

ALGEMENE REËLS & REGULASIES VIR UITSTALLERS

1. **FEESDATUM** 1 – 3 Maart 2018
2. **FEESTYE**
Die verpligte daaglikse handelsure is 08:00 soggens tot 21:00 saans.
 Stalletjies mag onder geen omstandighede voor 21:00 saans sluit nie. 'n Boete, van die helfte van die huur van die stalletjie, sal uitgereik word indien u wel vroeër as die verpligte ure ontruim.
3. **PLASING**
 Voorlopige plasinge word gedoen wanneer aansoeke ontvang word, maar **Ermelo Hoëveld LandbouFees** behou die reg voor om enige stalletjie in belang van die fees te verskuif. GEEN stalletjie word toegelaat om sonder toestemming van die Dagbestuur van plek te verwissel of met ander stalletjies uit te ruil nie. Onder GEEN omstandighede mag die uitleg van die stalletjies in die sale verander word sonder die toestemming van die Dagbestuur. GEEN onderverhuringe van stalletjies word toegelaat nie.
4. **BETALING**
'n Deposito is betaalbaar MET DIE GOEDKEURING van 'n stalletjie. Deposito's word onder geen omstandighede terugbetaal aan die uitstaller nie, ongeag die omstandighede. As u 'n deposito in die Hoëveldse Skou Vereniging se rekening inbetaal het sonder 'n goedgekeurde aansoekvorm en kommunikasie tussen uself en die skoukantoor personeel nie plaasgevind het nie, is u deposito ook nie terugbetaalbaar nie.
 Geen bevestiging van 'n goedgekeurde stalletjie sal gedoen word sonder 'n voltooide registrasie vorm en deposito, betaalbaar teen 15 November 2017, nie. Die volle bedrag van die stalletjie is betaalbaar voor 1 Februarie 2018.
5. **SEKURITEIT**
Ermelo Hoëveld LandbouFees verskaf voltydse sekuriteit vanaf Woensdag 28 Februarie 2018 tot Sondag 4 Maart 2018 om 10h00. **Ermelo Hoëveld LandbouFees** aanvaar GEEN aanspreeklikheid vir enige verlies en / of skade wat u en / of enige persoon verbonde aan u stalletjie mag ly nie. Die sale sal elke aand gesluit word. GEEN sekuriteit en /of enige ander persoon sal snags binne-in die sale toegelaat word nie. Addisionele sekuriteitswagte kan gereël word op die uitstaller se koste.
6. **REGISTRASIE**
 Alle uitstallers moet registreer vanaf 10:00 tot 20:00 op Woensdag 28 Februarie 2018 by die Feeskantoor op die Feesterrein. By registrasie word die nodige voertuig- en toegangsdokumente aan u uitgereik asook aanwysings na u stalletjie sal verskaf word. Alle stalletjies moet opgeslaan word op 28 Februarie 2018.
7. **TOEGANGSKAARTJIES**
 Uitstallers word van 2 x binne en 3 x buite uitstallers-toegangskartjies asook 1 x voertuigpermit per stalletjie per dag voorsien. Dit mag wissel na gelang van die grootte van die stalletjie. U voertuigpermit voorsien u van gratis parking vir u voertuig in die toegewysde parkeer-area. LET WEL: GEEN uitstaller se voertuig sal op die Feesterrein toegelaat word nie.
8. **GROOTTE VAN STALLETJIES**
 Stalletjies wissel van grootte (beskikbaar op aanvraag) en word van geen raamwerk en / of afskortings voorsien nie. Waentjies, karavane, gazebo's en afdakkies moet deel van u stalletjie wees of verwyder word na die toegewysde area.
9. **ONTRUIMING**
 U mag onder **GEEN** omstandighede u stalletjie ontruim voor 21h00 op die laaste dag van die Fees nie.
10. **VERBLYF**
 U as uitstaller is verantwoordelik vir u eie reis- en verblyfreëlings. 'n Lys van gastehuse sal verskaf word.

ALGEMEEN:

U as uitstaller is verantwoordelik vir die netheid van u stalletjie.

Ermelo Hoëveld Landboufees behou die reg voor om uitstallers vir enige wangedrag, bv. harde musiek, nie-vanpasbare produkte, onwettige goedere of stowwe, die oortreding van bogenoemde reëls en regulasies, en dies meer. te vra om u stalletjie te ontruim.

GEEN 'BB guns', club guns', basies enige item wat 'n geweer voorstel asook enige vorm van laser, liggies, gewere, ens, sal **NIE** op die skou terrein toegelaat word **NIE**.

OP LAS: ERMELO SKOU VERENIGING DAGBESTUUR

KONTRAKBREUK:

Die uitstaller sal verantwoordelik wees vir alle regskostes indien dit nodig sou wees om regsstappe te neem vir enige regsprosedures wat mag spruit uit die termes van hierdie kontrak.

Ek bevestig hiermee dat ek bogenoemde reëls en regulasies gelees het, dit deeglik verstaan, sekondeer en aanvaar